

Na osnovu člana 15. Pravilnika o uslovima i postupku zaključivanja ugovora sa privrednim subjektima koji rade na izvođenju i održavanju dijelova gasnog sistema (br. \_\_\_\_\_ i datum), na prijedlog Komisije za dodjelu radnog područja

dana \_\_. \_\_. \_\_\_\_ . godine ugovorne strane

**1. KJKP Sarajevogas d.o.o. Sarajevo, Trg Fadile Odžaković Žute br.4, (u daljem tekstu: Distributer), kojeg zastupa direktor mr. sc. Nihada Glamoč, dipl. maš. ing.**

i

**2. \_\_\_\_\_ kao ugovornog izvodaca radova na izgradnji i održavanju dijelova gasnog sistema (u daljem tekstu: Ugovorni izvođač) sa sjedištem u ulici \_\_\_\_\_, kojeg zastupa**

\_\_\_\_\_

zaključuju

## **UGOVOR O ODNOSIMA DISTRIBUTERA I IZVOĐAČA RADOVA NA GASNIM INSTALACIJAMA**

### **OPŠTE ODREDBE**

#### **Član 1.**

Predmet ovog ugovora je definisanje ugovornog odnosa između Distributera i Ugovornog izvođača radova. Ovaj Ugovor je sačinjen na osnovu Izvještaja Komisije za dodjelu radnih područja.

#### **Član 2.**

Zaključivanjem ovog Ugovora, Ugovorni izvođač stiče pravo na izvođenje radova u obimu i na način kako je njime definisano, a u skladu sa važećim propisima i Tehničkim pravilima.

#### **Član 3.**

Distributer će po zaključivanju ovog Ugovora upisati Ugovornog izvođača u Listu ugovornih izvođača.

### **PRAVA I OBAVEZE UGOVORNOG IZVOĐAČA**

#### **Član 4.**

Zaključivanjem ovoga Ugovora, Ugovorni izvođač stiče pravo da može izvoditi radove u okviru radnog područja:

**A** - izgradnja, rekonstrukcija i održavanje gasnih instalacija koje se priključuju na distributivnu gasnu mrežu preko mjerača ne većeg od G 6, nazivnog prečnika do NO 65 i pritiska do NP 1, iza glavnog zapornog organa izuzimajući ugradnju uređaja za regulaciju pritiska i mjerenje potrošnje gasa.

**B** - izgradnja, rekonstrukcija i održavanje unutrašnjih gasnih instalacija iza glavnog zapornog organa bez ograničenja veličine mjerača, nazivnog prečnika i pritiska, izuzimajući ugradnju uređaja za regulaciju pritiska i mjerenje potrošnje gasa.

Ostale radove Ugovorni izvođač može izvoditi samo onda kada je o tome postignut poseban sporazum u skladu sa članom 4. Stav (2) Pravilnika.

#### **Član 5.**

Ugovorni izvođač se obavezuje da će se, pri izvođenju radova na izgradnji i održavanju gasnih instalacija koje se priključuju na gasnu mrežu distributera, u svemu pridržavati važećih propisa i tehničkih pravila koji se odnose na vršenje predmetne djelatnosti, da će ugrađivati isključivo opremu i materijal koja je upisana u Listu odobrene opreme i materijala koji vodi Distributer, odnosno koja posjeduje odgovarajući certifikat te da će radove izvoditi sa najvećom mogućom pažnjom štiteći interese Distributera i korisnika gasa, a posebno vodeći računa o sigurnosti imovine i lica pri eksploataciji i održavanju instalacija.

#### **Član 6.**

Ugovorni izvođač se obavezuje da će u korespondenciji sa Distributerom i krajnjim korisnikom prirodnog gasa koristiti obrasce koje definiše Distributer.

#### **Član 7.**

Ugovorni izvođač ima pravo isticanja oznaka koje ga označavaju kao Ugovornog izvođača na svojim radionicama, vozilima, reklamnim materijalima i sl.

#### **Član 8.**

Ugovorni izvođač je dužan obavijestiti Distributera o činjenicama ili okolnostima koje se jave u toku trajanja ugovora, a koje su od značaja za pridržavanje i ispunjavanje njegovih odredbi (npr. promjena mjesta sjedišta ili drugih činjenica o registraciji, promjena ili izmjena vlasnika, izmjena ili napuštanje odgovornog stručnjaka i sl.)

Ugovorni izvođač je dužan dostaviti sve dokumente koji su potrebni za ispravljanje upisa u Listi ugovornih izvođača. Distributer ima pravo odbiti upis izmjena i brisati ugovornog izvođača iz Liste ukoliko zbog nastupanja novih činjenica ili okolnosti ugovorni izvođač više ne zadovoljava kriterije Pravilnika ili drugih važećih propisa.

#### **Član 9.**

Ugovorni izvođač je dužan da najmanje 30 dana prije isteka roka važenja ovog ugovora podnese zahtjev za njegovo produženje. Ukoliko Ugovorni izvođač ne podnese zahtjev, Distributer će pokrenuti postupak njegovog brisanja iz Liste ugovornih izvođača.

#### **Član 10.**

Svaka ugovorna strana može raskinuti ugovor uz poštivanje otkaznog roka od 30 dana.

Prije raskida ugovora, ugovorni izvođač je obavezan da okonča sve započete poslove na instalacijama koje se uključuju u gasni sistem kojim upravlja Distributer.

Raskid ugovora ne oslobađa odgovornosti Ugovornog izvođača za poslove koje je prethodno izvršio.

### **IZVOĐENJE RADOVA**

#### **Član 11.**

Ugovorni izvođač se obavezuje da će za svako gradilište imenovati odgovorno stručno lice, koje posjeduje zahtijevane stručne kvalifikacije, u skladu sa odredbama iz poglavlja III Pravilnika.

#### **Član 12.**

Ugovorni izvođač je obavezan da, prije početka izvođenja radova, podnese Prijavu o planiranom početku radova, odgovornom stručnom licu te omogući Distributeru kontrolu u svim fazama rada.

#### **Član 13.**

Ugovorni izvođač je obavezan da Distributeru dostavi Prijavu o završetku radova i provedenim ispitivanjima, dokaže spremnost instalacije za priključenje na gasnu mrežu i stavljanje iste u funkciju. U prilogu Prijave Ugovorni izvođač je obavezan da dostavi i drugu dokumentaciju koju odredi Distributer i zatraži od Distributera trajno priključenje na distributivnu gasnu mrežu.

#### **Član 14.**

Ugovorni izvođač će dostaviti Distributeru propisanu dokumentaciju, a koju će Distributer navesti u zapisniku o puštanju gasa.

#### **Član 15.**

Ugovorni izvođač obavezno prisustvuje priključenju instalacije na gasnu mrežu, te njenom stavljanju u pogon. U slučaju da je puštanje instalacije u pogon uslovljeno učešćem servisera gasnih aparata i/ili uređaja, Ugovorni izvođač je dužan obezbijediti njegovo prisustvo.

#### **Član 16.**

Obaveza Ugovornog izvođača je da vodi evidenciju o svim izvedenim radovima sa pripadajućom dokumentacijom za svaku instalaciju koju je dužan predložiti na zahtjev Distributera.

#### **Član 17.**

Ugovorni izvođač je odgovoran za kvalitet izvedenih radova i ugrađenih materijala i opreme izuzimajući slučajeve kada drugo lice izvrši izmjene na istoj ili je na instalaciji došlo do oštećenja zbog greški i propusta korisnika u rukovanju i održavanju.

#### **Član 18.**

Ugovorni izvođač je obavezan da o svim uočenim kvarovima ili nedostacima na gasnim instalacijama obavijesti Distributera kako bi ovaj poduzeo mjere za spriječavanje nezgoda. Ugovorni izvođač je obavezan da do dolaska Distributera poduzme sve mjere za otklanjanje opasnosti.

#### **Član 19.**

Ugovorni izvođač je dužan da korisnika upozna sa rukovanjem i obaveznim redovnim održavanjem gasnih instalacija i uređaja u skladu sa tehničkim pravilom G 600, drugim relevantnim tehničkim pravilima i uputstvima proizvođača gasnih uređaja te da korisniku preda Uputstvo za rukovanje i održavanje u pisanoj formi.

### **PRAVA I OBAVEZE DISTRIBUTERA**

#### **Član 20.**

Distributer je obavezan da omogući Ugovornom izvođaču uvid u slijedeće dokumente:

- Pravilnik o uslovima i postupku zaključivanja ugovora sa privrednim subjektima koji rade na izgradnji i održavanju dijelova gasnog sistema;
- Aktuelnu Listu odobrene opreme i materijala;
- Listu relevantnih propisa i tehničkih pravila koje Ugovorni izvođač mora poznavati i kojih se mora pridržavati.

#### **Član 21.**

Distributer se obavezuje da će Ugovornog izvođača informisati o svim novim propisima i standardima, o mogućnostima školovanja, stručnog usavršavanja i upoznavanja sa novim propisima i tehnologijama. Troškove školovanja i stručnog usavršavanja snosi Ugovorni izvođač.

#### **Član 22.**

Distributer je dužan uvjeriti se u poznavanje zakonskih propisa i tehničkih pravila, posebno kod promjena tehničkih pravila i od Ugovornog izvođača može tražiti podnošenje dokaza u određenom roku.

#### **Član 23.**

Distributer ima pravo vršiti kontrolu rada Ugovornog izvođača.

U slučaju da Distributer uoči greške pri izvođenju radova od strane Ugovornog izvođača odmah će sačiniti zapisnik navodeći sve relevantne činjenice i okolnosti te isti dostaviti Komisiji za dodjelu radnog područja. Komisija analizira sve pristigle prijave, utvrđuje činjenično stanje i poduzima mjere u skladu sa članom 22. Pravilnika o uslovima i postupku zaključivanja ugovora sa privrednim subjektima koji rade na izgradnji i održavanju dijelova gasnog sistema.

## ZAVRŠNE ODREDBE

### Član 24.

Ovaj ugovor sačinjen je u dva primjerka od kojih svaka strana zadržava po jedan.

### Član 25.

Ugovor stupa na snagu i primjenjuje se od dana potpisivanja.

### Član 26.

Ugovor važi jednu/tri godine od dana njegovog zaključenja.

### Član 27.

Ugovorne strane se obavezuju da će sve eventualne sporove koji proisteknu iz ovog ugovora rješavati sporazumno, u suprotnom nadležan je sud u Sarajevu.

KJKP Sarajevogas d.o.o. Sarajevo:

Ugovorni izvođač:

\_\_\_\_\_  
mr. sc. Nihada Glamoč, Direktor

Broj Ugovora: \_\_\_\_\_

Evidencijski broj : \_\_\_\_\_

Datum: \_\_\_\_\_